## НАМАНГАН ТУМАНЛАРАРО ИҚТИСОДИЙ СУДИНИНГ АЖРИМИ

(даъвони кўрмасдан қолдириш тўғрисида)

## Наманган шахри

2024 йил 5 март

Наманган туманлараро иқтисодий суди судьяси Д.Ш.Жўрабоев раислигида, судья ёрдамчиси А.Л.Низамовнинг котиблигида, Мингбулоқ туман фермер, деҳқон ҳўжаликлари ва томорқа ер эгалари Кенгаши даъвогар "Абдулла Каримов" фермер ҳўжалиги манфаатида жавобгар— "Art soft tex cluster" фермер ҳўжалигидан 1 162 294 802 сўм асосий қарз ва 134 826 191 сўм пеня ундириш тўғрисидаги ишни даьвогар вакили Ш.Исомиддинов (ишончнома асосида), жавобгар вакили Э.Сиддиқовнинг (ишончнома асосида) иштирокида, суднинг ўз биносида бўлиб ўтган очиқ суд мажлисида кўриб чиқиб, қуйидагиларни

## аниқлади:

Мингбулоқ туман фермер, деҳқон ҳўжаликлари ва томорқа ер эгалари Кенгаши даъвогар "Абдулла Каримов" фермер ҳўжалиги манфаатида (бундан буён матнда даъвогар деб юритилади) судга даъво ариза билан мурожаат қилиб, "Art soft tex cluster" фермер ҳўжалиги (бундан буён матнда жавобгар деб юритилади) ҳисобидан 1 162 294 802 сўм асосий қарз ва 134 826 191 сўм пеня ундиришни сўраган.

Суд мажлисида даъвогар вакили жавобгар билан медиатив келишув тузилганлигини билдириб, унинг бир нусхасини такдим этиб, даъво аризасини кўрмасдан қолдиришни сўради.

Суд мажлисида иштирок этган жавобгар вакили даъвогар билан медиатив келишув тузилганлигини инобатга олиб даъвогарнинг даъво аризасини рад қилишни сўради.

Суд ишдаги тўпланган ҳужжатларни ўрганиб, даъвогар вакилининг тақдим этган медиатив келишуви билан танишиб, тараф вакилларининг тушунтиришларини эшитиб, қуйидагиларга кўра даъво аризасини кўрмасдан қолдиришни лозим деб топди.

Иш ҳужжатларига кўра даъвогар билан жавобгар ўртасида 2023 йил 7 март куни 48-сонли фюъчерс шартномаси тузилган.

Шартномага асосан даъвогар пахта хом ашёсини жавобгар сотган. Бироқ жавобгар огохлантириш хатларига (талабнома) қарамай харид қилинган похта хом ашёси учун маблағ бугунги кунга қадар тўлаб берилмаган.

Шунга кўра, даъвогар томонидан жавобгар ҳисобидан 1 162 294 802 сўм асосий қарз ва 134 826 191 сўм пеня ундириш юзасидан судга даъво аризаси киритилган.

Бироқ, суд муҳокамаси даврида тарафлар ўртасида, яъни 2024 йил 5 март куни медиатив келишув тузилган.

Ўзбекистон Республикаси Иқтисодий процессуал кодекси (бундан буён матнда ИПК деб юритилади)нинг 107-моддаси 5<sup>3</sup>-бандида тарафлар ўртасида медиатив келишув тузилган бўлса, суд даъво аризасини кўрмасдан қолдиради, деб белгиланган.

Шунга кўра суд даъвогарнинг даъво аризасини кўрмасдан қолдиришни лозим топди.

"Давлат божи тўғрисида"ги Ўзбекистон Республикаси Қонуни 18-моддаси биринчи қисмининг 9-бандига кўра агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи қайтариб берилади.

Суд даъвогар томонидан даъво ариза киритишда тўланган 34 000 сўм почта ҳаражатини, медиация келишувига асосан унинг зиммасида қолдиришни лозим топади.

Баён этилганларга кўра ҳамда ИПКнинг 107, 195-196-моддаларига асосан суд

## ажрим қилди:

**Даъвогар "Абдулла Каримов" фермер хўжалиги** киритган даъво аризаси кўрмасдан қолдирилсин.

Даъвогар "Абдулла Каримов" фермер хўжалиги томонидан тўланган 34 000 сўм суд почта ҳаражати зиммасида қолдирилсин.

Ажрим устидан белгиланган тартибда шикоят қилиш мумкин.

Раислик қилувчи

Д.Ш.Жўрабоев

